



Шормо ол, порымлык да гын бер!

10-шо (3294) №,
2017 ий 4 март,
шуматкече.

ЯМДЕ-ЛИЙ

1933 ий 1 февраль годсек лектеш.

0+

8 Март – Ёдырамаш-влакын тўнямбал кечышт

Лиям тылат ёшан, авай!



Ёдыр-влак изинек пашалан тунемыт, вет нуно ончыкылык ава улыт. «Ёдыретым пашалан туныктынет гын, кўнчылавондым кучыкто», – ойленят кугезына-влак. Кызыт кўнчылавондым утларакше тоштерлаште гына ужаш лиеш. Но калыкмутышто чынжат удо. Теве ончалза нине кок снимкым. Ёдыр-влак дене палымым ыштена.



ЭЧУК: Тиде Морко посёлко гыч Варвара Дигина. Тудлан вашке кум ий темеш. Пайремлан аважлан мом пёлеклышашым сайын пала: тамле тортым! Ужыда, изи мастар озавате гаяк коеш. Аваж дене коктын тамле кочкышым чўчкыдын кўэштыт.



ПАМПАЛЧЕ: Арина

Ибатиева - ик ият пелаш. Тудо Родион ачаж да Татьяна аваж дене Озан олаште ила. Моткоч пашаче ёдыр кушкеш: сурт

с о м ы л к а м
к у г ы е н
с е м ы н а к
ы ш т а , а ч а
г ы ч т о л м ы ж
л а н а в а ж д е н е
к о ч к а ш ш о л т а
ч ы л а в е р е ш у э ш .
А р и н а н а ч а - а в а ж е
т у д ы н д е н е
м а р л а м у т л а -
н а т .



Еш архив гыч налме фото-влак.

«Наша история»
всероссийский
конкурс эрта. 10-
17 ияш тунемше-
влак 28 март
марте пашаштым
колтен кертыт.
Телефон: +7(495)
6068531 (Москва).

1 мартыште
Марий Элысе
Конгресс пола-
тыште талантан
29 ёдыр-рвезы-
лан Россий
Президентын
п р е м и й ж ы м
кучыктенят.

Марий Элын
100 ияш юби-
лейжылан лого-
типым ыштыме
нерген респуб-
ликанский кон-
курс увертарал-
тын.

«Ямде
лий» дене йол-
таш лий!

Увер-
выр-
выр



Уверлан уло вер

«Ямде лийын» чап онаже



Волжский район Сотнур школын 6-шо классыштыже тунемше Алексей МИТЯКОВ

Тале спортсмен. Ятыр сенымашыже уло. Куржталеш, ече дене коштеш, футболла, шахмат дене модеш. Тренерже – физкультурым туныктышо-влак Р.С.Михайлов ден О.В.Иванов. Хоббиже – почеламутым сылнын лудмаш. 2016 ийыште «Колумб лудмаш» регион-влак кокласе конкурсышто кокымшо верым налын. «Волшебное русское слово» республикысе конкурсышто икмыняр гана сенгыше лийын.

Йоча ден самырык-влаклан В.Х.Колумб лумеш книгагудышто Марий Элысе МВД-н пашаенже-влак Йошкар-Оласе 9-ше номеран школын 7-ше классыштыже тунемше-влаклан практический занятиям эртареныт. Йоча-влак следственно-оперативный группын пашаж дене палыме лийыныт, криминалистический чемоданчикым почын ончалыныт. Полиций сотрудник-влаклан пашаштышт кучылташ кидпалыштым коденыт.

**Марий Эл Республикысе
МВД-н пресс-службыжо.**

Тыныс илыш

Мо тугай мир? Тидым кажне ег шке семынже умыла. Мотор пеледыш пеледеш, чевер кече онча, кайык-влак йўкланат – чыла тиде мир! Тыныс илышым мыланна кугезына-влак арален коденыт. Тидлан йывыртман, поро пашам ыштыман.

Лилия АЛЕКСЕЕВА.

**Одо кундем, Алнаш,
Варале.**

Чын кочкыш



Кодшо ийын ме «Чын кочмаш нерген мутланымаш» Российысе программаш ушненна. Пургыж тылзыште кумшо онлайн-видеоурокукышто моштымашнам тергенна. Тыште ме эн тамле бутербродым ышташ тунемынна. Тидеч ончыч тыкве да олма гыч десертным ыштенна, а У ий вашеш йолташем-влак дене пырля «Апельсин гыч весела Борис шоншо» канапем ямдыленна.

Анна ПИРОГОВА, 2-шо класс.

У Торъял, Тошто Торъял.

Телымсе ош лум шула,
Вўдыш эркин савырна.
Изэнгерже, шоргыктен,
Юл дене ушнаш вашка.

Ирина АНТОНОВА.

Чевер кече ырыкта,
Лумын вўдыш савыра.
Канде вуян кўдыронгыр
Тамле пушым йыр шара.

Марианна МАРТЬЯНОВА.
Волжский, Пётъял.

Морко районышто шочшо, кызит Йошкар-Олаште илыше Лариса Максимова ден Татьяна Дмитриева Ийготыш судымо-влаклан Морко реабилитационный рўдериш кокымшо гана миенныт. У ийлан нуно, кугу коробкаш оптен, Йўштö Кугыза

Поро паша



деч тамле пöлекым коденыт. Ты гына йоча-влакым Элым аралышын да Ёдырамаш кече пайремла дене саламленыт. Кажне йоча пöлеклан да уна-влакын поро кумылыштан куанен.

Н.СЕМЕНОВА.

Сўретем - ачамлан



Ачам Владислав Гурьянович Прохоров Алма-Атасе пограничный военный училищым тунем пытарен. Тудо

Чечня сарыште лийын. Спортым йöрата. Кызит ачам кугу машина дене мўндыр корныш коштеш. Ик ола гыч вес олашке сатум шупшыкта. Тора корно гыч пöртылмыжым мый пеш вучем. Вара школ илышем нерген каласкалем. Ачамым пеш йöратем. Тиде сўретым тудлан пöлеклем.

Полина ПРОХОРОВА, 1-ше класс.
Национальный президент школ-интернат.

Лудаш йöратем

Мый книгаг лудаш йöратем. Хоббиемлан шотлем. Телевизорым ончымо але Андрюш шольным урмышке модаш лукмем годым книгаг кидем гыч ом мучыштаре. Молан ондак книгаг лудаш йöратен омыл?

Марина НИКОЛАЕВА, 8-ше класс.
Морко, Шўргыял.



Чот тыршет – сенымашке шуат

27 февраль. Йошкар-Ола, Марий кугыжаныш университет. Тыште шочмо да кугыжаныш марий йылме, марий литератур, ИКН дене республикысе олимпиаде эрта. Районласе да оласе олимпиадыште сенышыш лекше 9-11-ше класслаште тунемше-влак шинчымашыштым тергат. Нуным Марий Эл Республикысе образований да науко министрын алмаштышыже А.В.Иванов, МарГУ-со Калык культу да тўвыра кокласе кыл институтын директоржо Р.И.Чузаев да молат саламлышт.

Заданий-влаклан вашмутым пуаш кум шагат ойыралте. Чылан жюрин иктешлымашыжым вучат. «Кö гын сеныше лиеш?» йодыш кажныжым тургыжландара. Амалже раш: марий йылме да марий литератур дене икымше верым налше-шамыч регион-влак кокласе олимпиадыште Марий Элын чапшым аралаш тўналыт.

Тыгай таңасымаш эрлашыжым, 28 февральыште, ўдыр-рвезе-влакым уэш парт-кочлашке шындыш. Олимпиадыш Пошкырт, Свердловск кундемла, Татарстан, Удмуртий, Марий Эл Республикла гыч 27 тунемше ушныш.

– Ме нылымше гана толынна. Эре призёр-влак радамышке лектынна. Татар калык кочлаште илена гынат, шочмо марий йылмынам арален кодшак тыршена, - ойла Пошкырт кундем Краснокам район У Пураял школышто марий йылмым да литературым туныктышо Людмила

Сергеевна Васюткина.

Ончылно – эн куанле тат. Сенгыше-влакым саламлымаш. «Олимпиаде шинчымашым тергымаш гына огыл. Тудо марий калыкын да марий йылмын ончыкылыкыштым аралаш да чапландараш полша. Ты суапле пашашке öрдыж кундемлаште илыше марий-влакын икшывыштат ушнат. Тиде моткоч куандара», – каласыш Марий Эл Республикысе культу, печать да калык-влакын пашашт шотышто министрствын пöлка вуйлатышыже И.Г.Садовин.

Л.ГРИГОРЬЕВА.

Авторын фотожо.

Моло фотом vk.com/yamde_lii электрон адрес дене ончыза.

Марий йылме дене 1-ше верым налыныт:

Настя ДМИТРИЕВА (Морко, Унчо, 9-ше кл.),
Аня ЯКАЕВА (Советский, Ушнёр, 10-шо кл.),
Таня ИПАТОВА (Волжский, Карай, 11-ше кл.).

Марий литератур дене:

Даша ОРАЗАЕВА (Морко, Унчо, 9-ше кл.),
Яна ЯИКБАЕВА (Татарстан, Мензела, Калтак, 10-шо кл.),

Настя БОГДАНОВА (Советский, Ушнёр, 11-ше кл.).



РЕВОЛЮЦИЙ ДЕЧ ОНЧЫЧСО МАРИЙ

Ерусланов Пётр Иванович (1860-1914)

Просвещений пашаен, этнограф-краевед. Виче губерний, Сарапул уездысе Ныргынде ялеш шочын (кызыт Удмурт Республикысе Каракулинский район). 1880 ий тўналгыште Озан учитель семинарийым тунем пытарен. Пүрö оласе учитель школышто наставниклан ыштен. П.Ерусланов «Букварь для восточных

черемис», «Первая учебная книга для совместного обучения черемис и русских» (1892) учебниклам ямдылен. Марий илыш-йöла нерген ятыр возен. Пашаже-влак «Известия Оренбургского отдела Русского географического общества» (1894), «Этнографическое обозрение» (1896) журналлаш савыкталтыныт. Марла возымо ойлымашыже «Первоначальный учебник русского языка» книгаш (Озан, 1892) лектын.

Пайрем дене!



ЭЧУК: Пампалче, тачысе «Ямде лий» газетна шошо тылзын лектын.

ПАМПАЛЧЕ: Шошо дене пырля эн волгыдо пайрем – Ёдырамаш-влакын тўнямбал кечышт – лишемеш. А тый аватлан пўлекым ямдыленат?

ЭЧУК: Шукертак! Мом – кызытеш ом каласе, секрет!

ПАМПАЛЧЕ: А мый шылташ ом тўнал. Аваем лўмеш почеламутым шонен возенам. Тева, луд, йоча-влак аваштлан да коваштлан могай ныжылге шомакым пўлеклат!

Авамын лўмжў – Анжела. Мыланем тудо эн шерге. Пайремже дене саламлем, пенгыде тазалыкым тыланем.

Катя РАССАНОВА.



Авамым чот йўратем. Тудо мотор, поро, шыма. Кажне кечын мыйым школышко ужата, остановко марте намиен кода.

Анна АЛЕКСАНДРОВА.
Морко, Коркатово, 2-шо класс.

Аваман кўмыж-совлам, кўварым мушкаш полшем. Пайрем дене саламлем.

Диана АМОСОВА,
2-шо класс.

Куженер, Шўдымарий.

Авамын лўмжў – Анна Семеновна. Тудо кызыт кана. Яра жапыште тўрым тўрла, носким пидеш. Ава тамле шўрым шолта, мелнам кўэштеш. Мый авамлан эре полшаш тыршем. Тудым Ёдырамаш кече дене саламлем. Кужу ўмырым, пенгыде тазалыкым тыланем.

Юрий КУЗНЕЦОВ.

Одо кундем,
Алнаш, Варале.

Авамым 8
Март дене саламлем. Авай, мый тыйым уло чон дене йўратем.

Вова ВАСИЛЬЕВ.
Параньга, Элпанур.



Порсын кумылан

Авай!

Тый – олмапу, а мый – олмаже,
Эн вучымо саска, томанже.

Шўм-чон шокшет, шўлалтымет –
Чыла мылам тый пўлеклет!

Мыйын авамым чыланат

Татьяна Валентиновна маныт.

Тудо школышто руш йылмым

да литературым туныкта.

Кажне кечын у урокым

ямдыла, йоча-влакын тет-

радыштым терга. Аваман

полшаш тыршем: пўртым ўштам,

кўмыж-совлам мушкам. Вет мый эн

шергакан чинче пырче гай ик ўдыржў гына улам. Икте-вес

деч посна ик кечымат илен огына керт.

Параньга, Олор.

Йўра-
тыме
аваем, мый
тыйым 8

Март пайрем дене салам-
лем. Тек кажне кечет
пиал дене темеш.

Юлиана ЛЕОНТЬЕВА.



Ава

Мотор, сай.

Бурса, мокта, чамана.

Тўнясе кече дене

иктак,

Эгертышна.

Елена ГРИГОРЬЕВА,

7-ше класс.

Морко, Шўргыял.

Полшем

Ковам Лидия Егоровна ден
кочам Николай Степанович

Ўрша селаште илат. Нуно
сулен налме канышыште

улыт. Ковам кочкаш
тамлын шолта, кочам

мончам чоҥа. Мыят
тудлан полшем.

Ковамым Ёдырамаш
кече дене саламлем.

Иван РЕПИН,
6-шо класс.

Советский район.



Изина годым

Алёна ЯКОВЛЕВА, мурызо:

- Йоча годсо пагыт ынде тўтыра
коклаште коклан-коклан волгалт кайыше

кечыйол гае веле конча, садлан
чылажым шарналташ неле.

Йонылыш лияш огыл манын,
изи годым мом пўлеклымем

нерген авам дечак йодым. «8

Мартлан тўрлў пеледышан сўретым да сылне
открытым ыштылат да пўлеклет ыле!» - мане

авам. А эше школышко пеледышым ужалаш
кондат ыле. Пеледыш-влак кеч илыше лийын

огытыл гынат, моторын чучыныт. Шарнем,
авамлан тудым налын пўлекленам ыле.



Д а ш а
ДЕКИНА сўретше.
2-шо номеран Морко
школ, 5-ше класс.

Пайрем дене!



Ава уло гын, үстем-балне тамле кочкыш пушлана, пöрткөргö ару. Вургем кушкедлен – ава урга. Урокуым ыштен от мошто – ава полша. Мыйын авам йочасадыште туныкта. Тудо шыма, ныжылге, поро кумылан. Авамым шошо пайрем дене саламлем.

Аделина СЕРГЕЕВА, 2-шо класс. Морко, Шордүр.

Авием – илышем

Йöраталме авием – Мыйын илыш куанем. Авиемже пешак сай, Кумылжат чылт кече гай. Эрден эрак кынедам, Йырваш тütкын ончалам. Авиемым мый ужнем, «Поро эр!» –

тудлан маннем. Тамле пушым мый шижам: Устел деке лишемам. Ямде шокшо кочкышат, Шолтен шындыме чайжат. – Эх, авай, кунам канет? Чыламат ыштен шуктет, – Южгунамже чылт öрам, Чаманалын шупшалам. Тыйым эре шонкалем, Тыршен кечын тунемнем. Ойгыраш ок күл, авай: Отметкем-влак улыт сай.

Валентина КУШАКОВА. Советский, Кодам.



Авторын сүретише.

Пеледышын лүмжö – Оля

Ик ялыште илен изи ўдыр. Илен тудо коваж дене. Изи ўдыр эре ойгырен. А молан, те шонедат? Тиде ялыште нигö дене модаш – йоча уке! Изи ўдыр пасуш кая – пасу пеледыш дене модеш, олыкыш кая – олык пеледыш дене мутлана. Ўдырын йолташыже мотор деч мотор пеледыш-влак лийыныт! Ик кечын кова пазарыш кая. Пазарыште мо гына уке?! Кован шинчажлан көршöкысö пеледыш перна. Тудо але изи, кум лышташан гына... Кова налеш. Мöнгö толын шумешке, пеледыш лывыжга. Изи Оля пеледышым чот чамана, йүдшö-кечыже тудым онча: мутлана, мурым мура. Ик кечын пеледыш пеледын! Тудо кум тўсан: нарынче, пелганде, ал – лийын. Олян йöратыме тўсышт!

Ўдыр пеш йывырта да пеледышлан шке лүмжым пуа.
Мария ЗАГАЙНОВА, 6-шо класс. Йошкар-Ола, 1-ше номеран школ.



Изина годым

Светлана СТРОГАНОВА, Марий Эл Республикын калык да сулло артистше:

– Изина годым ялыште паша шуко логалын, кевытыш кош-таш жап лийын огыл. Пö-леклаш йöршö сатужат шагал лийын, эсогыл тўрлö тўсан

чийн кагазымат огына му ыле. Тетрадь але аль-

Кована

К о в а м дене чиялтенна да тюльпаным ыштен-Г а л и н а н а. Пеледышым концертым ончыкты-Николаевна – мына годым авалан кучыктенна. ачамын аваже. Тунамсе ик мурыжым кызытат шар-Тудо колхозышто шумо жап бухгалтер-нем: «Но в марте нет сирени, лан, вара ялсоветыште Гвоздику не достать. секретарьлан пашам ыштен. А можно на листочке Ковам математикым сайын пала. Цветы нарисовать».



Кызыт тудо Кўчыкчук ялыште ила. Казам, чывым ашна. Пакчасаскам, пеледышым ончен кушта. Мый тудеке унала кошташ йöратем.

Анжелика КОЛЕСНИКОВА, 3-шо класс. Волжский, Упшер.

Шонго поро коваем

Кече гае йöратем. Шкеже пешак йытыра, Лыжган сайын кутыра. Ончыкшо күзен шинчам, Шўйжö гычын öндалам.

Куптыр шўргым ниялтем – Шўм пеленже чот пызем. Коваемже пеш чоя – Тупем гычын вўчкалта, Кидшым күсеныш чыка: – Тевыс тылат кампетка.

Ксения ШАМАЕВА. Морко, Арын.

Авам фермыште пашам ышта. Эрдене эрак пашаш кая. Мален кынеш-мешкына толынат шуэш. Акай ден когыньнам шко-лыш ужата. Авамын кумыл-жым волташ огыл манын, сайын тунемаш тыршем, мут-шым колыштам. Авай деч сай айдеме тўняштыжат иктат уке!

Никита ПАЙМОВ. Морко, Унчо.

У Торъял район Кузнеч школ гыч **Полина БИРЮКОВА, Вика ИВАНОВА** (3-шо класс), **Диана ЕГОШИНА** (5-ше класс) аваштым пайрем дене шокшын саламлат. Нунын серышыштым вес номер-лаште савыктена.

Йўлана илана



26 февральште республикысе Марий тўвыра рўдер Морко район Шордўр школышто кумшо гана йоча Ўярня эртарыш. Тушко 2-шо номеран Морко, Унчо, Волаксола, Коркатово, Нуж-Ключ, Шордўр (Морко район), Волжский район Шарача да Советский район Ўшнўр школла гыч тольыч.

Пеледышан письмам колтенам ыле – Налын улыда, уке гын, родем-шамыч. Ўярня пайремыш

Ўжын возенам ыле – Толыда, уке гын, родо-шамыч, – муралтышт Шордўр ўдыр-рвезе-влак.

Такмак-влак конкурс заочно эртен. Сенгышыш Унчо (1-ше вер), Шордўр (2-шо вер), Коркатово (3-шо вер) лектыч.

Мом пален налым: марий калыкын кажне пайремжылан келшыше мурыжо уло.

Ўярня оза – мелна терке

«Марий калык йўла» квест-мол-ман: 1-ше вер – Нуж-Ключ школ, 2-шо вер – Ўшнўр школ, 3-шо вер – Коркатово лицей.



Уремыште Ўярня кува-шамыч рат дене шогат. Йоча-влак нунылан тошто марий лўмым пуэныт: – Салика! – кычкыралыч Волаксола школын тунемшыже-влак. – Эвика! – шоктыш Ўшнўр тунемше-влакын йўкышт. – Орина (2-шо номеран Морко), Чачавий (Шордўр)! Коркатово, Нуж-Ключ да Шарача гыч кум Уनावий «толын». Ай, мотор улыт вет!



1-ше вер – Унчо школ.
2-шо вер – Шарача школ.
3-шо вер – Шордўр школ.

Мом пален налым: руш йўла дене тагастарымаште марий калык чучылым огыл, а шўкшакым йўлалтен. Ломышым йыраңгыш шавалтет гын, пакчасаскат сайын шочеш.


Школ кўргыштў тамле пуш озалана. «Ўярня мелна» конкурс тўнале. Ушнўр школын кумшо классыштыже тунемше Мария Рыбакова коваж дене коктын команмелнам кўэштмыж нерген презентацийым ямдылен (туныктышо Н.П.Викторова). Кажне школ шке мелнаж дене калыкым сийлыш. Ай, тамле вет! Сандене жюри чылалан 1-ше верым пуыш.

Мом пален налым: ожно марий калык Ўярня шым кечыште шым тўрлў мелнам кочкын. Тидын нерген Унчо школын туныктышыжо-влак Р.Н.Петрова, Т.А.Сидорова да С.А.Михайлова каласкалышт.

Шордўр школышто туныктышо В.И.Копяева ден ўдыр-влак.



Коркатово школ.



К у г у курык – кок тоя! Мо тугае, кў пала? Тудым тўрлў семын ойлат: ўярнявара, йолгурык, ўярня кашта! Мужырлан Шордўр школын тунемшыже Алексей Дмитриевым ойырен налымат, коктын, ну, мунчалтышна. Пу издeryшкат шинчын ончышым. Ай, келшыш вет!

Мом пален налым: йўла почеш ўярня кашта дене кум гана волет гын, шонымашет шукталтеш.

Н.СЕМЕНОВА ончен коштын.



Коляигын Шочмо кечыжлан Аваже
Олман 2 когылым, кешыран 2
когылым, паренган 2 когылым да повид-
лан 4 когылым кўэштын. Изи Мышарик
ўстел йыр куанен пёрдеш.

– Эргым, пайрем
ўстембалнына мыняр
когыльо уло? –
шыман йодо Ава.

$$2 + 2 + 2 + 4 =$$

Вара Ава ўстембаке ик вазе
кампеткым, кок вазе фруктым,
кум вазе печеным
шындыш.

– Мый шотлышым:
тый куд вазым конды-
шыч! – юарла эрге.

$$1 + 2 + 3 =$$

– Молодец, чын шотлет! – мокталтыш
Аваже.

Кастене уна-влак толыч: ныл коляиге,
ныл комакиге, кок удыриге, кок мераниге.
Эн ончыч нуно Аважлан пеледыш аршашым
пёлеклышт, вара Мышариклан пёлекым
кучыктышт.



Сүрөтүм чиялте да 8 Март
пайрем дене саламлен пёлекле.

$$4 + 4 + 2 + 2 =$$

Чыланат чесым тамлен-тамлен кочкыч.
Вара йоча-влак мурым мурышт, куштышт.
Пайрем пеш веселан эртыш.

Уна-влак пачаш-пачаш таум
ойлышт, вара
«Чеверын» манын кай-
ышт.

– Тыйын йолташет-влак могай ушан-шотан
улыт! – куанен пелештыш Ава.

– Авай, тау тыгай сай пайремым ышты-
метлан! Мый тыйым моткоч чот йоратем!
– ондале Аважым изи эрге.

Шочмо кече



Йодыш да заданий:

1. Чеверласымышт годым
уна-влак могай поро мутым ойле-
ныт? Молан нине мутым юзо
маныт?

2. Унала толмеке, шкем кузе
кучыман? Молан уна-влак пеледышым эн
ончыч Авалан пуэныт?

3. Тыйын Шочмо кечет кунам? Уна-вла-
кым ўжаш шонет мо?

4. Тый аватлан пёлекым ыштет мо? Кузе
шонет, пёлекым кажне кечын ышташ
лиеш мо?

Йолташдам перегыза

Сай йолташем - Лена Смирнова. Тудым чот пага-
лем. Лена воктенем уке гын, йокрокланем, вашлий-
машым вучем. Калыкмутым кучылтын каласынем:
«Йолташда уке гын - кычалза, уло гын - аралыза!»

Юлия МОЧАЛОВА, 8-ше класс.

Советский, Ёрша.

Тур-
жалтше фут-
болкыда сайынрак
гладит лалтше
манын, тудым ий
дене йыгыза.

Тушьда кошкен
гын, 2-3 чўчалтыш
пеггыде шере
чайым чўчыкта-
рыза.

Шарне: шке
кид дене ке-
лыштарыме
пёлек эн шерге.

Кидмастар




25 февральысе номерыштына 1-ше лашты-
кыште инсценировкакым радамлымаште
«М.Рыбаков, «Оза вате» манын лудман.

7-ше лаштыкыште Э.Сапаевын биографий-
ыштыже йоңылышым колтенна: чын - Озан
оласе консерваторий Н.Г.Жигановын лўмжым
нумалеш.

Т
О
Р
Л
Ы
М
А
Ш

Почмо книга

Тиде книгаште калыкмутым шылтыме. Тыланда тудым лудаш шукемдыме табице полша.



Игорь БИРЮКОВ ямдылен.
Куженер, Йӱледӱр.


Пӱкеныш икмыняр сарафаным да косынкым пыштат. Вӱдышын кӱштымыж почеш ӱдыр-влак куржын миен чийышаш улыт. Кӧ эн чулым, тудо Эн Кугу Матрӧшка лиеш. Моло-влак йырже хоровадым мурен куштат.

Модыш



Калык пале
Март вӱдыжгӧ гын, кинде шагал шочеш. Мартысе вӱд эмла.


Яра кӱлгӧжӧ кӱлеш чурыйым сӱретлыза.



Барби курчакын шочмо кечыже

Икымше курчакым 1989 ий 9 мартыште Нью-Йоркышто эртыше «Модыш ярмингаште» ончыктеныт. Тудым ватемарий Рут ден Эллиот Хэндлер шонен луктыныт. Нунын Барбара ӱдырышт лийын. Тудын лӱмеш курчакым Барби манын лӱмденыт.

Тый могай курчак дене модаш йӧратет? Возен колто.



Изи кайык садыштем, Ай, пеш сылнын муралта. Кечшудо нӧшмым кочмыжлан Таум, очыни, ойла.
Захар ВАСИЛЬЕВ,
2-шо класс.
Волжский, Пӧтъял.

Рвезын кормушкышкыжо кочкашмыняр кайык толын?

Йонгылышым тӧрлагыза!

5 x 6 = 11
4 x 7 = 29
7 x 8 = 56
3 x 9 = 39
7 x 5 = 12
4 x 9 = 36
9 x 9 = 99
4 x 4 = 44
6 x 6 = 66
5 x 8 = 48
3 x 6 = 18
6 x 9 = 90
8 x 4 = 30

Алёна ВАСИЛЬЕВА.
Морко, Энерсола.

Лу ойыртемым муза.



Индекс: Марий Элыште - 78574, вес кундемлаште - 52713. Тираж 1150 экз. Заказ 397. Формат - А-4-8. Директор-тӱн редактор Л.В.СЕМЕНОВА.
E-mail: yamde_lii@mari-el.ru, yamde_lii@mail.ru
Сайтын адресше: yamde-lii.ru, Тел. 45-25-49(факс); 45-22-82.

УЧРЕДИТЕЛЬ-ВЛАК:
Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казенный предприятий.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральный службыв Приволжский федеральный округысо управленийыштыже регистрироватлыме. Номер - ПИ №ФС 18-1999, 2005 ий 10 февральыште пуымо.

Печатьыш пуымо жап - 14-00, фактически - 13-00. Ак - кутырен келшыме почеш.
Авторын да редакцийын шоньмашышт тӱрлӧ лийын кертыт. Серыш-влак мӧнгеш огыт колталт.



Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95. Редакцийын да издательын адресше: 424006, Йошкар-Ола, СССР Вооруженный Вийын 70-ше идалыкше урем, 20.